

職方典第一千一百三十九卷

安陸府部彙考五

安陸府學校考

府縣志合載

本府

安陸府學宋鄧州學在城東南二里石龜頭其後漢水衝齧乃徙而北距舊址三百步元安陸學因之明洪武八年改府爲州卽鎮遠樓爲安陸州學十五年始遷故址大成殿在明倫堂之右齋曰志道曰正誼曰達材明年廟學火二十三年曹公李文忠新創之景泰中知州顧震大順初知州趙熙相繼修成化中知州俞蕙復闢廣盈倉址爲射圃成化末提學副使薛綱僉事高繡隘其規復增修之弘治五年學正林啟又作後堂講堂弘治八年興獻王詣廟行釋奠禮見殿宇傾圯重加修葺易櫺星門以綠琉璃瓦正德十二年知州王槐又作名宦鄉賢二祠十三年廟廡俱圯興獻王給銀四百兩修理嘉靖十年陞爲府學廣盈倉改爲鍾祥縣治射圃亦廢入縣基十二年以鍾祥縣附承天府學二十二年知府吳惺又作號房六十間廚房五間於

櫺星門左三十年巡撫屠大山巡按胡宗憲奏請重修凡廟殿門廡悉加崇飾萬曆二十六年知府常裕重修二十九年知府孫文龍闢修雲路門內東偏爲宰牲亭西偏爲致齋所中爲泮池宋玉井在焉戟門左爲名宦祠右爲鄉賢祠敬一亭在名宦祠之左後殿御製碑亭旁夾室爲藏書祭器二庫碑亭後及左右爲學宮公署東爲明倫堂後爲講堂前設坊一座中扁義路禮門左右石刻忠孝節義四大字爲紫陽朱先生書東西兩廡爲諸生號舍又前爲學門知府孫文龍加屏牆於外萬曆四十四年分守道高第知府李養蒙建魁星樓於儀門外左建尊經閣於正殿後崇禎十六年流賊據郢文廟東廡戟門俱燬

皇清順治四年知府李文芳捐修十二年知府李起元復修十八年知府馬逢臯等皆修舊有題名坊久圯康熙四年知府張尊德史廷鸞等重修大成殿五間東廡西廡各十五間戟門三間泮池在戟門前有石橋櫺星門三座祭器庫三間神廚五間尊經閣三間敬一亭三間殿後建啟聖祠三間名宦祠三間鄉賢祠三間省牲亭三間更衣亭三間宋玉井亭一座石牌坊一座木牌坊一座 教諭宅一所在明倫堂後 訓導宅二所一在正殿西一在啟聖祠後

射圃舊在學宮東久廢

濂溪書院在東城七里灣之堵家堰

文昌書院在子胥臺之

南 甘堂書院在南關外

社學二所一在南門外一在山川壇右俱廢

學田絕荒

一處見存四處一在葉家河一在南山一在泉崖一在多寶灣原額田一千六百三十二畝九分有奇實荒田一千零六十畝九分八釐有奇實熟田七十一畝四分三釐有奇

鍾祥縣學鍾邑學宮明洪武八年爲安陸州學嘉靖改州爲府卽以安陸州學改爲府學而鍾祥附之未另立學縣亦未另設官役蓋以外六邑各有學而府縣止總設一學府學卽縣學也
外州縣

京山縣學在縣治西宋崇寧中知縣劉幹建於角陵驛遺址元至正間縣尹賈泰亨以兩廡從祀未備於荆門州學得從祀畫像乃改塑之而廡隘不可盡容至元六年縣尹泰伯顏不花與教諭周德孫議增廡四楹又增塑左丘明以下三十二人像後燬於兵明洪武五年知縣劉桓改於縣治之西今學宮是也中爲大成殿十四年知縣李文秉建景泰六年叅政曾蒙簡嫌其狹小屬知縣張蓋撤而宏之天順六年知州趙熙教諭陳洪始訖其事正德中稍爲居民所侵

學生謝詔等復之嘉靖十二年御史胡東臯行縣睹諸像戴笠風日中屬知縣費頤教諭蕭溶重建三十八年縣丞俞松三十九年知縣張鉉相繼修自此凡百餘年殿宇傾頽已久神主露立崇禎十年邑人太僕寺卿劉蘭率士重修

先師廟東西爲兩廡十八間爲神庫神廚各二前爲戟門門之外爲泮池周迴百步有石橋正統十四年提學韓楊造又前爲櫺星門舊以木知縣費頤易以石前有屏廣四丈高二丈有坊曰聚奎崇禎十三年修易以聖域賢關左爲儒學門舊在左偏萬曆三十八年改右偏

皇清順治十五年仍改左門內有文昌閣崇禎七年邑人劉蘭建明倫堂洪武五年知縣劉桓建東西爲齋曰博文曰約禮今廢後爲莊敬堂今廢殿之左爲敬一亭知縣費頤建今廢後爲啟聖祠今廢左右爲名宦鄉賢二祠今並廢 教諭宅在殿後 訓導宅在殿左右俱廢順治

十四年教諭閔言重修

社學在縣治南三十步與新開道對直明嘉靖三十八年縣丞俞

松重修額置教督一人

學基順治十四年清丈學地南橫八十弓北橫八十九弓中置一

百一十弓積九千三百七十九弓該基三十九畝八釐零

學田在寶香村嘉靖三十五年

邑人太學生楊大鴻置田三頃有奇

書院田在縣南鄭家畝順治十八年邑人御史鄭友

元置田七十一畝

潛江縣學在縣治東元世祖時隨縣遷建延祐間知縣完伯顏建立殿廡堂階教諭李惟中有記明洪武元年知縣史純一創立學門廡宇景泰三年荆門府推官符節天順八年知縣呂文修弘治十三年知縣史華重修嘉靖初詔改大成殿爲

先師殿增敬一亭啟聖祠知縣夏泗移置稍前然東瀕潛水水溢堂舍俱圯六年知縣蕭廷達築隄以障令民廬其上徵稅爲諸生燈膏之需萬曆七年知縣朱熙洽重修十一年水圯知縣王建中曹珩相繼修東西爲廡各七知縣胡璘建廡北各爲神廚神庫南各爲庫房前中爲戟門爲內泮池知縣朱熙洽加石甃池東爲致齋所知縣潘之祥修外爲櫺星門嘉靖間教授周宸易以石柱門外爲屏屏外爲大泮池知縣曹珩重修石欄周迴百丈明倫堂舊爲三間隆慶六年知縣梁棟左右各增一間東西爲齋東曰存心西曰養性嘉靖間改曰崇正道迪正學西南爲會饌堂後改爲祠東爲名宦祠萬曆元年李之修建東齋南爲道義門門外有魁宇牆萬曆

七年知縣朱熙洽立又南爲學門東西夾櫺星門門內東西號房各五間今廢堂後爲敬一亭
又後爲啟聖祠又後爲尊經閣 教諭宅一所在學宮後 訓導宅二所在學東西兩側

白鶴書院元湖北提刑副使姚燧建今城隍廟地其舊址也

石橋書院在縣治西之龍淵

寺元泰定間學士林士淵建

陽春書院在西門萬曆元年知縣李之珍建

同仁書院

在縣治左督學僉事劉垓建

中洲書院郭氏家祠一曰孝思祠內有椿桂堂環翠亭講經

所大本達道齋郭世朝懋貞先生建

傳經書院在南城內

皇清康熙十年縣令王又旦建內有傳經堂說詩臺操縵軒又內爲藏書樓東西文場

射圃在

東舍前

社學二所一在縣西河街一在縣關帝廟前成化十五年知縣胡鄰創建今俱廢

學田隆慶三年知縣梁棟置田三十畝坐落紅花境萬曆二十八年知縣潘之祥又廣田三十

三畝坐落邊江境遞年課銀四兩五錢今崩入河

沔陽州學舊係沔陽府在城西南元季燬於兵遂遷東北明洪武九年改爲州學明年知州金
德增修宣德以來知州李震等相繼修成化九年知州呂文復修其後知州孫衍彭萬里皆修

至正德十年知州徐咸以其敝隘撤而新之十一年知州李濂嘉靖間按察副使劉士元等俱修萬曆十年知州史自上等重修崇禎十四年知州章曠重修

皇清康熙年間知州佟成年等又修葺戟門泮池官道並建下馬坊

先師廟兩翼爲東廡西廡爲神廚在東廡旁神庫宰牲房在東廡地今廢前爲戟門門之前爲泮池池東有芹香亭今廢爲橋又前爲櫺星門啟聖祠在敬一亭後順治十二年學正黃爾鼎修敬一亭在明倫堂後知州儲奉詔建戟門左爲名宦祠右爲鄉賢祠明倫堂東爲興詩齋舊曰率性西曰立禮齋舊曰修道爲成樂齋舊曰立教崇禎二年栽一東爲饌堂今廢堂後爲茂林門學正王鑒建築堤其後植柳數百株今蔚然成林爲瑞蓮池卽易炳文故居爲齋宿所知州儲建東西各一舊在西廡下東廡後爲徑坊曰義路禮門東爲書舍凡三十楹爲魁星樓在學門東前爲儀門又前爲學門 學正宅在學內 訓導宅二一在學正宅後一在明倫堂

西崇禎己卯因頽圯改於學正前

南湖書院舊志在州學

復中書院舊志在城南今

廢 仁風書院在同仁門外蓮池右卽荔枝園故址

皇清康熙十二年知州浩冲鼎建

射圃

射亭俱知州萬里建舊在儀門東今爲書舍地崇

禎辛巳又改擴於西廡後

社學四所在城二在鄉二俱廢

義學明正德十三年知州

李濂割預備倉地勸立今廢

景陵縣學舊在城內西南隅宋治平中勸置學宮元至治泰定間次第修順帝至元四年戊寅
沔陽郡守安寧伯監縣忽都不花教諭傅珪重建後燬於兵明洪武三年重建正統十年知縣
顧行教諭翁善復建成化十六年知縣姜綰撤而新之弘治十二年知縣周瑞重修正德十三
年知縣李東昇靖七年州官任佃十年同知歐賢署事京山縣丞金文默俱修 新儒學在
城外正北方明嘉靖二十年僉事柯喬徙置北門外清河橋北

皇清順治十八年侍御史顧豹文等重建先是六年十月初七日大成殿忽轟然有聲如雷隱紅

光燭天至初九日火起東南殿角烈焰彌空同時兩廡戟門神庫牲庫齋所官祠俱就焚署縣
經歷崔鹿鳴訓導周文旭抱木主而出置明倫堂春秋祭祀俱在於此至順治十七年十一月
朔合官員士民倡議輸助廟乃告成東廡西廡在大成殿前明倫堂在大殿後博文齋舊名率

性在明倫堂東約禮齋舊名存誠在明倫堂西東廡西廡在齋外崇聖育英門在堂前禮門義路在齋東西大魁亭在禮門東神庫在禮門內啟聖祠舊在西廡今在廡東遺像亭舊在敬一亭後因大成殿燬移置明倫堂今復還原位敬一亭在明倫堂後名宦鄉賢二祠舊在啟聖祠前今移置戟門東西尊經閣在敬一亭後風雪亭在堂後西北隙地號房在風雪亭左右戟門在大成殿前櫺星門在戟門前舊植以木今更樹以石育賢拔俊二坊在戟門東西泮池舊有泮橋跨池中東西爲兩橋嘉靖二十年水決兩橋崩三十七年推官袁履素省中橋築東西橋爲坦道天啟辛酉知縣程維模以泮水不宜外洩塞東西橋更樹石欄是年二月春泮池水湧躍數丈許有聲如雷有物如龍蜿蜒行水上逾時不滅觀者如堵次年春榜劉必達舉禮闈第一石屏在泮池前石欄杆在泮池周圍 學署在文廟東嘉靖辛丑年移建 夢野臺書

院在縣東門內邑祭酒魯鐸讀書處

射圃舊圃在城內學南成化壬寅知縣姜綰立今徙

置新學東而圃亭就廢

學基儒學新基在清河橋北嘉靖辛丑兗憲柯喬易民地並廢縣

義倉地而哀置焉按學西地基舊被豪強侵占天啟間知縣程維模任贊化始正經界

社

學上白村十六學下白村十七學雲潭村十六學官城村十二學方樂村十二學南黃村九學
附學村二學在城村三學成化十七年知縣姜綰勸民勸立 乾灘社學今廢然乾灘自興

學以後邑中如魯祭酒周少保陳司徒魏觀察諸公皆相繼而起縣令姜綰有記 義學在

縣南一里義河邊成化十七年知縣姜綰建且以縣前官地鋪房二十間收租納學中給師生
弘治十四年知縣周端重修 學田舊田共二段坐落張官販者奉祀程一鑑輸入坐落申

家臺者推官袁履斷入久已無有新田共二段廖家塋十二石五斗柳家河四石零其田除納
賦輸縣外餘租貯倉候學道取給寒生 學倉舊倉在城內學東南隅知縣姜綰立今倉基
在學後未建歲編斗級二名

荆門州學在平秦門內洪武二年知州戴昌因元故址建之成化初知州俞誥易櫺星門以石
成化中知州陰子淑作泮池石橋知州楊琇立泮池坊萬曆十六年推官鄧美政創建南門外
新墉數仞又建閣於前爲文昌門崇禎十六年齋廡祠亭俱燬於賊惟正廟僅存櫺星門

皇清順治三年知州薛繼巖修啟聖祠教官田一纘邑人賀運清同修康熙二年火名宦鄉賢二祠

今廢 學正宅在學內

東山書院二孫狀元讀書處

象山書院在蒙泉南順治十

五年知州薛繼巖重修

當陽縣學在縣治西舊在玉陽山宋以前無考元儒學記云知縣張彥文創建至元中知縣王元賓趙珪修元末兵燹明洪武初知縣祁守道改遷方城洪武中知縣魏忠復還故址嘉靖二十五年知縣侯加祥遷九子山下與學署分隔一水萬曆八年知縣胡朝因隔阻水不便改遷縣治西門外三十五年知縣李啟元教諭余蛟以廟北向非制始徙入城而廟制如舊東西列兩廡前爲戟門爲櫺星門門之外爲泮池二舊在櫺星門內知縣胡如川以其逼徙之於外又爲門屏廟後爲明倫堂堂前爲東西齋東曰進德西曰修業後爲啟聖祠戟門東爲名宦祠西爲鄉賢祠廟之左爲大魁閣學齋左爲碑亭爲尊經閣

皇清順治乙酉城陷正殿兩廡啟聖名宦鄉賢諸祠俱燼止存明倫堂櫺星門順治十三年知縣唐彥襄修復十六年知縣許毓仁修啟聖祠康熙元年大兵進山貯糧學宮兩廡齋房名宦鄉賢祠俱圯尊經閣敬一亭俱闕未修 射圃今廢 學正宅在明倫堂西學正黃聖年重修

安陸府戶口考

府志

府總

原額人丁六萬三千五百一十二丁各屬派銀不等

額徵銀二萬九百一十四兩三分三

釐七毫三忽二塵九纖九渺五漠

逃亡人丁二千八百六十五丁六斗二升五合九勺

額徵銀一千八百二十八兩五分三

釐五毫四絲八忽九微八纖三塵

審復人丁二百三十一丁

該銀五十六兩五錢三分九釐六毫六絲八忽三微二纖二塵

五渺

當陽節年新墾隨糧人丁三十一丁六斗六升一合四勺

新墾銀三十兩五錢三分三釐

七毫二微一纖六塵六渺

見在新舊審復成熟人丁六萬六百四十六丁三斗七升四合一勺

新舊成熟實徵并新

墾銀一萬九千八十五兩九錢八分一毫五絲四忽四纖四塵七渺五漠

額外新增人丁七千五百四十六丁各屬派銀不等

該增銀二千四十六兩二錢五分四

釐三毫七絲七忽一微九纖七塵

鍾祥縣

附郭

原額人丁七千三百七十丁遞年分別優免起科則例不等每丁派銀三錢二釐一毫六絲二忽八微六纖六塵九渺二漠七茫

額徵銀二千二百二十六兩九錢四分三毫二絲九忽

二微五纖二塵三渺

順治十二年編審新增人丁一千二百二十丁

新增銀三百六十八兩六錢三分八釐六

毫九絲七忽六微五纖

京山縣

原額人丁一萬一千六百四十六丁每丁派銀三錢五分一釐八毫三絲四忽四微七纖二塵額徵銀四千九十七兩四錢六分四釐二毫六絲一忽八微四纖四塵八渺五漠

編審增出人丁一千七百九十九丁派銀照前則例

新增丁銀六百三十二兩九錢五分

二毫一絲五忽一微二纖八塵

潛江縣

原額人丁五千五百四十七丁遞年分別優免起科則例不等 每丁額徵銀二錢五分二

釐三毫一絲九忽四微九纖五塵六渺四漠 額徵銀一千三百九十九兩六錢一分六釐

二毫四絲二忽三微三纖四塵四渺

新增編審人丁一十八丁每丁派銀二錢四分九釐 新增丁銀四兩四錢八分二釐

沔陽州

原額人丁一萬三千六百三十三丁每丁派銀三錢五釐二毫七絲五忽一微四纖七塵二渺

八漠 額徵銀四千一百六十一兩八錢一分六釐八絲三忽

按續編審新增里甲人丁共四千五百九丁每丁派銀二錢三分六毫九絲五微 該徵銀

一千四十兩一錢八分三釐四毫六絲四忽四微一纖九塵

景陵縣

原額人丁八千三百八十六丁每丁派銀四錢八釐二毫四絲五忽六纖八塵七渺
額徵銀三千四百二十三兩五錢四分三釐一毫四絲六忽八微五纖八塵二渺

荊門州

原額人丁一萬四千九百丁每丁派銀二錢四分四釐七毫六絲二忽二微二纖二塵八渺
額徵銀三千六百四十六兩九錢三分七釐一毫一絲九忽七微三纖九塵

逃亡人丁一千三百丁

無徵丁銀三百一十八兩一錢九分一釐二毫九絲四忽七微三

織九塵

康熙元年審復人丁二百三十一丁

審復丁銀五十六兩五錢三分九釐六毫六絲八忽

三微二纖二塵五渺

見在原存并審復丁一萬三千六百丁

實徵并審復丁銀三千三百二十八兩七錢六分

五釐八毫二絲五忽

當陽縣

原額人丁二千三十丁每丁派銀九錢六分四釐三毫八絲二忽五微二纖二塵一渺 額

徵銀一千九百五十七兩六錢九分六釐五毫二絲

逃亡人丁一千五百六十五丁六斗二升五合九勺 無徵銀一千五百零九兩八錢六分

二釐

新墾人丁三十一丁六斗六升一合四勺 墾銀三十兩五錢三分三釐七毫

現在及新墾人丁四百六十四丁三斗七升四合一勺 實徵銀四百四十七兩八錢三分

四釐二毫

安陸府田賦考一

府志

府總

原額民田六萬九千三百八十三頃九十二畝三毫九絲各屬每畝科米麥不等

額科秋糧官民米八萬五千一百五十六石六斗八升四合二勺有零各屬派銀不等 額

徵銀七萬八千九百五十二兩一錢四分四釐四毫六絲九忽七微九纖二塵九渺四漠